


[www.BibleForChildren.org](http://www.BibleForChildren.org)


# Matayu 26



Mbonji liim ve eez  
inepneep sone,  
ghoro uraat to  
Pasova ivot. Sawa  
tonenen, Yesu ila ivot Lazarus  
ndug toni Betania. Lasarus,  
ye ngeu to imaat ve Yesu  
ipamundigini pa mateen.  
Tovenen yes tighanghan,  
ve Maria igham ngoreen to vuzi  
poia ve atia tiina kat inim, ve ilinji  
izala Yesu aghe. Ghoru imusi pa daba raua.  
Ngoreen tonowen vuzi ivot le ikau ruum lolo.



Taghoniina to Yesu saangul ve ru, todi eez, iza Yudas Iskariot. Sawa tonenen, ye ila to yes daba to watoonrau, ve isaav padi ighaze ye pale ighur Yesu ila nimadi. Yes tiloon saveen toni, le lolodi poia kat, ve yesna timbua saveen tighaze pale tigham le yaam pida. Timbua saveen le isob, ghoru Yudas ila ve isanan. Ighaze soso poia eta ivot, ghoru ighur Yesu ila nimadi.




Tovenen taghoniŋa toni titaghon  
aliŋa, ve tila tigharaat aniŋ to  
Pasova tonowe. Yes tighanghan,  
ve Yesu igham mberet ve ipait  
Maaron pani. Ghoru iteeva, ve ireii  
irau taghoniŋa toni, ve isaav padi  
ighaze: “Aghami ve aghan. Nene you  
mindag.” Ghoru igham rubruub vaen,  
ipait Maaron pani, ve  
izuzuuna ila todi.




Ve isaav padi ighaze: “Yam asob aghami ve aghun ila. Nene siñ tiou to pale imaliñ pa tamtoghon katindi. Leso ireu sosor todi, ve ipariaañ saveeñ mbuaañ to ataam paghu to pale Maaron yesña tamtoghon tilup di tinim ee moghon.”



Ghoro Yesu isaav pa Simon Petrus ighaze: “Simon, Simon, upatum ghom wa! Sadan izuaria tau ighaze igham gham anim le. Tovenen ye pale itoov ghurla tiam inimale ngeu to ilos wit toni ve itiri iza, lesa ivalag anoŋa ila sagan, ve uli ila sagan. Eemoghon you naghur ghom ila sunuun tiou wa: Lesa utap pa ghurla tiom sob. Ve sawa to yom utoor ngar tiom ve umuul, yom irau upalot tonvetaz tiom.”



Petrus iloonj saveenj tonene, ve isaav pa Yesu ighaze:  
“Tiina, you irau napul ghom maau. Ighaze tighur ghom  
uloonj ula ruum to yabyabuunj, nene pale ituru tala. Ve  
ighaze tirab ghom umaat, nene pale you paam, tirab  
ghou namaat toman ghom!” Tovenen Yesu ipamuul  
aliņa ighaze: “Nes Petrus, nasaav payom kat. Mbonj  
aazne, yom pale  
upesamun ghou  
pae tol le isob,  
ghoro tatareek itanj.”



Ghoro Yesu igham taghoniina  
toni, ve yesna tilaagh tila  
tivot ndug eez, iza  
Getsemane. Tila tivot  
tonowe, ve ye isaav padi  
ighaze: “Mbolemim izi  
sualen, ve you nala nasun  
tonowe.” Ve isaav ighaze:  
“Abba, Tamañ, mbeb eta ila  
murim maau. You naghaze  
upaghau rubruub tonene  
payou. Eemoghon utaghon  
ngar tiou malep. Utaghon  
taum lolom.”



Tovenen Yudas igham ndaaba pida to Rom toman  
uraata pida to yes daba to watoonrau ve ndiran tutuunja  
timbaan di, ve yesja tila pa ndug tonowen.

Tikis lam ve sul toman ndaab to malmal,  
ve tilaagh tila. Ghorotoodi eez,

ipas buza toni iza, ve isap  
motin ngeu eez taliņa ila pa  
nima waan. Ngeu tonowen,  
ye mbesoonja to daba to  
imuun pa yes to watoonrau.

Eemoghon Yesu isaav ighaze:

“Ai, iraua! Apul di tigham ngar  
tonene.” Ghorotoodi igham

mbesoonja tonenen taliņa,  
ve ipaaka ila ina le poia muul.



Yesu isavia saveen tonene le isob, ghero tikisi, ve tighami tila, ve tighuri iloon ila daba to watoonrau ruum toni. Petrus ipaspasi pooi, ve itaghon di ila.

Eemoghon ilaagh muri kat padi, pasa imatughez.

Tamtoghon pida titavun yab izi sirsiir to ruum tonowen lolo, ve mboledi izi ila yab dige. Tovenen Petrus ila ve mbole izi toman di.




Ŋgeu to Petrus isap motin  
taliŋa, siŋ toni eez, ye  
mbesoonja to Kaiapas.  
Ye imundig ve isaav pa  
Petrus ighaze: “Wai,  
yom tonene to naghita  
ghom yamŋa ayondyood  
izi oliv lolo!” Eemoghon  
Petrus ipesam pa tau muul.  
Sawa tonenen kat, ve tatareek  
itaŋ. Tovenen Petrus imundig  
ivot ila pumuri, ve lolo  
isami kat pa tau, ve itaŋ tiina.




Tovenen yes daba tonenen tisob  
timundig ve tigham Yesu tila, ve  
tipayoonda ila Piladus mata. Tovenen  
Piladus ighason Yesu ighaze: “Vena,  
yom kinik to yes Yuda?” Yesu  
ipamuul aliņa ighaze:  
“Nanan taum saveen  
tiom.” Piladus ighaze  
ipul Yesu ila. Tovenen itoov  
saveen padi muul. Eemoghon

tinoknok bobaan tighaze:  
“Urabi izala ai pambaroon!”


Urabi izala  
ai pambaroon!”




Tovenen Piladus ilooŋ aliŋadi,  
ve ipul Yesu ila ndaaba toni  
nimadi. Leso tirabi izala ai  
pambarooŋ. Tovenen tigham  
Yesu tila, ve tau imbaad ai  
pambarooŋ toni. Tipul ndug tiina  
Yerusalem, ve tivot tila pumuri,  
ghoro tinau pa ndug mbuŋa eez,  
iza ‘Daba rubruuba.’ Tiwaat  
ndug tonowen iza ila saveeŋ  
Hibru tighaze  
‘Golgata.’



Tila tivot tonowe, ghoru tirab Yesu toman ndiran ru paam tizala ai pambaroonj todi todi, ve tipayoon di tiza. Ndiran ru tonowen, eez imonau ila pa Yesu nima njas, ve ite imonau ila pa nima waan, ve Yesu ineep bodbodaan.



Ndag anunu iza inim bobodaan, ghoru ndoroom tiina ivot irau taan isob, ve inepneep tovene le ndag ivool (3 kilok). Ghoru uli tiina to imonau ila Rumai Tiina lolo, ve iponpoon ndug to patabuan kat ne, imarepreep inim ru. Ve Yesu imboob aliŋa tiina ighaze: “Tamaŋ, nene naghur taug ilat yom nimam.” Isaav tovene le isob, ghoru iyavan ve imaat.



Ve rabrab izi wa. Tovenen ngeu eez  
to ndug Arimatea, iza Yosep,  
ipariaan tau, ve ila to Piladus,  
ve ighasoni ighaze iyokia  
Yesu paatu pani. Yosep,  
ye ngeu eez to ival  
tiina titandag pani,  
ve tipapait iza. Ye  
ineep ila lupuun  
tiina

to yes daba to  
tingin yes  
Israela.  
Ve ighurghur  
mata pa  
sawa to pale  
Maaron  
ipatoon pooz toni  
ivot ighazoon.



Sawa to titartar taudi pa umbom  
patabuanj isob, ve ndugizau, ghoru  
yes daba to watoonrau  
toman ndiran tutuunja  
pida tila to Piladus, ve  
tisaav pani tighaze:

“Tiina tiei, yei  
matamai ingal  
saveenj waaro eez  
to avo

kaarom  
tonowen  
isavia.”



“Sawa to ineep mata iyaryaar, ye isaav  
ighaze: ‘You pale namaat. Ve mbonj  
inim tol, ghoronamundig  
muul.’ Tovenen tipul  
Piladus, ve yesnja ndaaba  
tonowen tila pa tingin  
Yesu paatu.”




“Yes tiwakaun  
yaam tiina to ipoon naal  
avo ne pa ravraav letunja  
kat. Leso tamtoghon eta  
iloonj ila sob. Ghoru  
tighur ndaaba pida  
pa tingini.”



Umbom patabuan isob, ve ndag to  
ivot muun pa wik tonenen,  
mboŋmaagh kat, ve Maria to  
Magdala yesuru Maria ite  
tila tighaze tingig naal to  
Yesu. Mala maau, ve  
aŋela eez to Ŋgeu  
Tiina ipul sambam  
ve izi inim,

ve yonŋyoog  
tiina kat itok  
taan.



Anjela tonowen ipatambulin yaam tiina  
to ipoon naal avo ighau ila pa dige,  
Ve mbole izala pogho. Ndaaba  
to tingin ndug tonowen,  
tighita anjela tonenen,  
le ruṅadi iza ve  
matughezaan tiina  
igham di, ve titaptap  
tizi tigheen tinimale  
mateeṅa.



Ghoro anjela isaav pa ndiliva ru  
tonowen ighaze: “Yamru  
amatughez malep! You  
nawatag: Yam aghaze  
aghita Yesu to tirabi  
izala ai pambaroon  
ne paatu, tauto anim.  
Eemoghon ye ineep  
sualen muul  
maau.”



“Pasa, Maaron ipamundigini pa  
mateenꝝ wa, itaghon saveenꝝ to  
muunꝝ ye tau isavia. Anim  
aghita ndug to paatu  
igheen pani.”




Tovenen rikia moghon ve ndiliva ru  
tonenen tipul naal, ve tilaan tila tighaze  
tipaesia mbeb tonenen varu pa  
taghoniija toni. Tilandaad toman  
tinidi iza, ve lolodi poia le poia  
kat. Eemoghon matughezaan  
igham di paam.



Mala maau ve Yesu tau ivot todi,  
ve isaav padi ighaze: “Yamru,  
mboŋmaagh poia!” Yesuru tinjarua  
tila, ve tiput aghedi pani,  
tisavag aghe, ve tipaiti.





Muri ghoru, taghoniija toni saangul ve eez (11) tilup di pa ghanghaniin ve tinepneep. Mala maau ve Yesu tau ivot todi, ve iyaan di. Pasa, ye imundig pa mateen, ve tamtoohon pida tighita ve tisavia varu padi wa. Eemoghon ngar todi iyaryaan, ve tighur ila maau. Tiina toit Yesu isavsaav pa taghoniija toni le isob, ghoru Tama Maaron ighami imuul iza ila pa sambam, ve mbole izi ila ye nima waan.



Pasa, Maaron ighur lolo kat pa  
tamtoohon to taan. Tauto ipul Natu ee  
moghon izi inim taan ve imaat padi.  
Leso tamtoohon tisob to tighur ila  
toni, tilaledi sob, ve tigham  
nepoon poia ila to Maaron,  
ve tineep tovene  
le alok.



Rom 3:23 Ataam tonene, nene ataam to ghurla.  
Tamtoghon tisob to tighur ila to Yesu Krisi, Maaron pale ighita di ighaze tineep denjadi ila mata. Yes Yuda, ve yes to Yuda maau ne paam. Pasa, tamtoghon eta ilib pa ita ite maau. Iit tasob rarateed moghon. Tasob tasosor wa. Pasa, tataghon Maaron gabua ve ngar toni iraua maau. Ngargar ve nepoonj to it, nene ipatoonja ighaze ye iza tiina ne maau.

Rom 6:23 Ngargar samia atia, nene mateenj. Eemoghon iit to taneep tunja ila to Tiina to it Yesu Krisi, Maaron igham poian ghiit, ve igham leed nepoonj poia to pale iseengga itagho ni tagho ni gha ila.

Hibru 9:27 Tamtoghon tisob pale timaat pa ee moghon ve isob, itagho ni Maaron ngargar toni. Ve muri, gabizoonj to di pale ivot ve tigham atia to di.



Epesus 2:8,9 Tovenen yam to aghur ila to Krisi, Maaron igham mulin gham itaghon tau lolo ve poia toni. Mbeb tonenen ivot itaghon ngar poia eta to yam aghami ne maau. Maaron igham payam sorok. Tovenen ye igham poian gham itaghon ngar poia eta to yam aghami ne maau. Ye igham payam sorok. Leso tamtoghon eta ipait tau sob.

Rom 10:9,10 Saveen tonowen isaav pait tovene: Ighaze taum avom uvotia ghurla tiom ila ival tiina matadi ughaze: "Yesu, ye Tiina tiou," ve ighaze lolom ighur ila ughaze Maaron ipamundigini pa mateen wa, nene pale Maaron igham mulin ghom, ve uneep pooli. Pasa, ighaze lolood ighur ila, nene pale Krisi igham ghiit taneep denjaad ila Maaron mata. Ve ighaze tauud avood tavotia ghurla toit ila ival tiina matadi, nene pale Maaron igham mulin ghiit ve taneep pooli.



Yoan 3:16,17 “Pasa, Maaron ighur lolo kat pa tamtoghon to taan. Tauto ipul Nату ee moghon izi inim taan ve imaat padi. Leso tamtoghon tisob to tighur ila toni, tilaledi sob, ve tigham nepoon poia ila to Maaron, ve tineep tovene le alok. Onoon kat, Maaron imbaan Nату izi inim taan pa ingabiiz tamtoghon ve ighur atia padi ne maau. Ye imbaanja izi inim pa igham mulin di.

1 Yoan 5:11-13 Saveen tovene: Nepoon poia to isenseenga gha ila, nene Maaron igham pait wa. Nepoon tonowen, taghami ila to Nату. Tovenen tamtoghon to ighaze igham Maaron Nату, ye igham nepoon poia ila to Maaron wa. Ve tamtoghon to ighaze igham Maaron Nату maau, ye igham nepoon tonowen sone. Saveen isob tonene, you nambooda ilat to yam tamtoghon to aghur ila to Maaron Nату, lesa awatag kat aghaze yam agham nepoon poia ila to Maaron wa. Nepoon tonowen pale iseennga itaghoni taghoni gha ila.



Matayu 26-28; Lukas 22-24; Yoan 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Mutu, Oov NT (tuc) © 2011, Wycliffe Bible Translators, Inc.  
All rights reserved.

<https://www.bible.com/bible/473/MAT.1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

